

Ningzmingz Yen Cilang Yangh Baidaiz Cunh Ciet Bofwen Vwnzva Lijyouz Hozdung Lai Cungj Lai Yiengh

Ndwen 4 ngoenz 24, Ningzmingz Yen Cilang Yangh giethab gij hozdung angqhoh ngoenzciet “sam nyied sam Bouxcuengh”, youq aen yangh neix Baidaiz Cunh Mbanjbaidaiz、Mbanj-sinhvanggyangh cujiz banh Baidaiz Cunh bi 2019 ciet bofwen vwnzva lijyouz.

Ngoenzhaenx, youq bakmbanj Mbanjbaidaiz caeuq Mbanjsinhvanggyangh, ci caeuq bouxhek lai dangq-

maz, vunzmbanj Baidaiz yiedcingz haenx, yungh hozdung lai cungj lai yiengh angqcoux bouxhek gak dieg, mbanj henzyawj caeuq bouxhek yanghcin henzyawj、vunzlai 2 fanh lai vunz daeuq caeuqfaenh、yawjngonz. Gofoux、yienj raizsaw vehveh, eu fwen、fouxgvangjangz、ep bya daengj doxdax hanghmoeg, giuz-bibuengq、gaemh bya、gaemh bit daengj daejniemh hozdung, cimz



▲Mougangq homfwtfwt yinx ndaej bouxhek yawjngonz.



▲Lwgnyez hwnj daiz yienjheiq.

gijgwn ndei daegsaek, aen vanjvei yienjheiq daengj baenzdauq hozdung, gunghawj aen bingzdaiz hawj vunzmbanj、canghheiq ndawbiengz langh-baij dungxcaiz, vunzlai、bouxvienj ciengqgo diuqfoux, gangjok gij angqyangz caeuq vuenyungz ndawsim. Baidaiz Cunh yungh aen seizgei baez hozdung neix, comz dangjyenz、cunh “song vej” ganbu gangj gij cwngcwz banggunz hawj vunzlai, hawj vunzlai lai roxyiuj gij cwngcwz banggunz, gyagiengz vunzlai gag rox buekguh vut

gungz baenz miz.

Ciuq cam rox, ciet bofwen dwg ngoenzciet cienzdoengj Ningzmingz Yen, youq dangdieg gaenq miz bak geij bi lizsij. Baidaiz Cunh doenggvaq haiguh hong banggunz le yienghsiengq bienqvaq hungloet, banh ciet bofwen lijyouz, engq ndei langhbaij gij yienghsiengq cingsaenz ndei vunzmbanj.

(Cangh Haijyingh Vangz Gyanghmyauz Yangz Yijcingz)



▲Yienhciengz guh hozdung dwkdomq.

Baksaek: Minzcuz Dijyuz Langh Yinxdaeuz

Ndwen 4 ngoenz 26, Baksaek Si bi 2019 “sam nyied sam Bouxcuengh • angj diyyuz minzcuz” baenzdauq hozdung comzyienj youq Bandauij Gunghyenz aen si neix banh, foux saeceij、Gienzcuenh、dwkdomq daengj yienhciengz biujyienj caeuq haujlai hozdung doxdoeng haenx, hawj haujlai siminz caeuq bouxhek daengzdieg yawjngonz、caeuqfaenh haenx cungfaen roxnyinh gij yinxdaeuz daegbied ggmiz minzcuz diyyuz hozdung.

(Luz Gez/陆杰)

Yungzsuij: Aen Cehgenh Banggunz Bang Vut Gungz

Ndwen 4 ngoenz 25, youq aen cehgenh banggunz Liujcouh Si Yungzsuij Myauzcuz Swciyen Yungzsuij Cin Cin'iq Ranzmyauz, vunzhong cingq guh huq denswj.

Bineix doxdauj, aen yienh neix ciuq gij iugouz “cinjing doiqciep、cinjing soengq gangjvei”, haiguh bangcoengh couhnieb、bangfuz cauhnieb、cinjing son'gyauq、cauhmoq fugsach、aen hengzdoengh baenzdauq bangfuz dieg anceiq couhnieb cauhnieb, bangrenz couhnieb. Daengz ndwen 3 mued, aen yienh neix saedyienh gyaeujvunz gungzhoj senj couhnieb 12.2 fanh vunz, banggunz couhnieb doiq vut gungz gunggeng cingzsoq gunghawj daengz 70% doxhwnj. Ciuq cam rox, aen cehgenh banggunz denswj Yungzsuij Cin Cin'iq Ranzmyauz seizneix miz vunzhong 60 boux. Ndawde, 48 boux dwg vunz gungzhoj.



▲Vunzhong youq ndaw cehgenh guh huq denswj.

(Liu Swjyenh/廖子渊)